

Bank bukti kekuatan Islam

BH - 2 JUL 1983

KUALA LUMPUR, Jumaat. — Datuk Seri Dr Mahathir Mohamad berkata, penubuhan Bank Islam adalah satu usaha untuk membuktikan bahawa operasi bank cara Islam boleh memainkan tugas dalam ekonomi dan penerapan ajaran Islam dalam sistem ekonomi negara.

Perdana Menteri menjelaskan, kejayaan Bank Islam bukan sahaja untuk kepentingan bank itu sendiri dan ekonomi negara, tetapi ada kaitan dengan masa depan orang Islam dan agama Islam sendiri.

"Jika bank ini gagal, maka kepercayaan bahawa Islam adalah sesuai untuk semua zaman dan tamadun akan lumpuh dan ini akan membawa kepada fikiran bahawa Islam tidak sesuai dengan kemajuan," tegasnya lagi.

Perdana Menteri berkata demikian ketika melancarkan operasi Bank Islam dan pembukaan cawangan pertama bank itu di Jalan Raja Laut, di sini, hari ini. Majlis itu disiarkan secara langsung oleh Radio Malaysia. Ucapan penuh beliau disiarkan di muka 10.

Kini, kata beliau, umat Islam menunaikan ibadah haji dengan kapal terbang dan dengan duit kertas, cek dan bekalan lain yang tidak ada di zaman Rasulullah. "Ini tidak bermakna kita tidak menunaikan rukun Islam yang kelima," jelasnya.

Katanya, Bank Islam juga masih menepati kehendak agama Islam di samping mengambil kira sistem kewangan dan kegiatan ekonomi yang sudah berubah.

Perdana Menteri berharap Bank Islam akan disambut baik oleh semua pihak terutama orang Islam yang ingin melihat umat Islam dan agama Islam berkembang maju dan kekal di hati penganut-penganutnya.

Beliau yakin jika sam-

Salah seorang dari mereka yang paling awal sekali membuka akaun di bank itu, Encik Ibrahim Ali menjelaskan, beliau tiba di bank itu kira-kira jam 2.00 petang sebaik sahaja selesai bersembahyang Jumaat.

Menurutnya, beliau telah lama berhasrat untuk membuka akaun dengan Bank Islam Malaysia Berhad sejak cadangan penubuhannya diumumkan oleh kerajaan tidak lama dulu.

"Hari ini saya telah membuka akaun semasa dan tidak lama lagi saya berhajat untuk membuka akaun simpanan pula," jelasnya.

Encik Ibrahim, seorang peniaga, juga berharap untuk membuka akaun perniagaannya di bank itu tidak lama lagi.

Seorang lagi ahli perniagaan, Encik Osman

Turut hadir ialah Menteri Kewangan, Tengku Razaleigh Hamzah, Menteri Kebudayaan Belia dan Sukan, Encik Anwar Ibrahim, beberapa Menteri dan Timbalan Menteri. Syeikh Hatim Al-Qarasyawy, wakil Persatuan Bank-Bank Islam Antarabangsa yang berpusat di Jeddah adalah tetamu khas majlis itu.

Datuk Seri Dr Mahathir menjelaskan bahawa penubuhan Bank Islam bukanlah satu manifestasi keagungan orang Islam atau satu usaha simbolik untuk mempamerkan keislaman negara ini.

Katanya, jika hendak membuktikan bahawa Bank Islam boleh memainkan peranan dalam ekonomi moden, maka adalah penting ianya memberi khidmat tanpa mengira anutan pelanggan-pelanggan.

Menurut beliau, hanya mereka yang mempunyai tafsiran yang sempit sahaja yang akan memikirkan bahawa Bank Islam adalah untuk orang Islam sahaja.

"Keislaman Bank Islam berasas kepada cara pengurusannya dan bukan kerana orang Islam menjadi pemilik atau pelanggan atau pengurus," tegasnya lagi.

Beliau kemudian memberi jaminan bahawa dengan penubuhan bank itu, sistem pengurusan bank-bank lain yang telah lama wujud di negara ini tidak dihapuskan.

"Kita tidak ada rancangan untuk menghapuskan bank-bank lain kerana tidak semua penduduk negara ini Islam, malah sistem bank yang digunakan di seluruh dunia adalah berasaskan kepada sistem bank perdagangan yang diamal-

kan sekarang," katanya lagi.

Katanya, walaupun Bank Islam boleh memainkan peranan untuk menguruskan perdagangan, tetapi bank-bank lain masih diperlukan dan Malaysia masih terus bergantung kepada perdagangan dengan seluruh dunia terutama dengan negara-negara bukan Islam.

"Harus diingat bahawa semua negara Islam masih menggunakan sistem bank perdagangan dan bank jenis inilah yang terbanyak sekali ditubuhkan sejak minyak menjadi punca kekayaan bagi beberapa buah negara Islam," katanya.

Berubah

Datuk Seri Dr Mahathir berkata, adanya bank-bank perdagangan di sesebuah negara tidak bermakna negara itu sudah tidak Islam, dan begitu juga adanya bank Islam tidak menjadikan sesebuah negara itu Islam.

Katanya, meskipun Bank Islam tidak ada di zaman Nabi Muhammad atau di zaman-zaman Khalifah yang berikutnya, "tidak bermakna ia tidak boleh diadakan di zaman ini," tegasnya.

butan terhadap Bank Islam memuaskan, perkembangan bank ini akan lebih pesat dari yang diduga.

Sementara itu, lebih 2,000 orang telah membuka akaun bila bank itu memulakan operasinya hari ini.

Datuk Seri Dr Mahathir adalah orang pertama membuka akaun itu dengan membuat tabung berjumlah \$500 dalam akaun semasa. Nombor akaunnya ialah 10010006104.

Orang ramai mula bersekesak-kesak di luar bangunan bank itu sejak jam 2.00 petang. Ia memulakan perniagaan jam 2.30 petang dan menjelang jam 3.30 petang, kira-kira 1,000 orang telah membuka akaun masing-masing.

Pengawal-pengawal keselamatan tambahan terpaksa ditempatkan di pintu masuk bank itu bagi melicinkan perjalanan keluar masuk orang ramai.

Menurut seorang jurucakap bank, waktu perniagaan mungkin terpaksa dilanjutkan sehingga jam 6 petang ini memandangkan sambutan di luar dugaan dari orang ramai. Ia sepatutnya ditutup pada jam 4 petang.

"Kami tidak menduga sambutan dari orang ramai begini hebat sekali. Sebelum bank dibuka jam 2.30 petang tadi, orang ramai telah bersekesak-kesak di luar," katanya.

Bakar, berharap bank itu akan segera membuka pejabat-pejabat cawangannya di bandar-bandar utama di seluruh negara bagi kemudahan orang ramai yang berminat menjadi ahli.

Beliau yakin Bank Islam Malaysia Berhad akan menjadi nadi penggerak kepada perkembangan ekonomi umat Islam di negara ini.

Encik Chin Ee Chai, 29, pula berkata, beliau berminat menjadi ahli bank itu kerana tertarik dengan konsep wadi'ah yang diamalkan oleh Bank Islam.

Beliau juga menolak anggapan setengah-setengah golongan yang berpendapat bahawa keahlian Bank Islam hanya terbuka kepada orang-orang Islam sahaja.